

## **ՈՉ ՍՏԱՆԴԱՐՏ ԻՐԱՎԻՃԱԿՆԵՐՈՒՄ ԱՊԱՀՈՎԱԳՐԱԿԱՆ ՀԱՏՈՒՑՄԱՆ ՀԱՇՎԱՐԿՄԱՆ ՕՐԻՆԱԿՆԵՐ**

ԱՊՊԱ պայմանների համաձայն՝ անկախ այն հանգամանքից, թե որքան են կազմում ավտոմեքայի հետևանքով տուժողին պատճառված անձնական և գույքային վնասները՝ տուժողին հատուցում կարող է տրվել ոչ ավել, քան ԱՊՊԱ պայմանագրում նշված ապահովագրական գումարը:

ԱՊՊԱ-ի գծով **ապահովագրական գումարի** մեծություններն են՝

### **1. Անձնական վնասների** դեպքում՝

- ❖ մեկ ապահովագրական պատահարի համար՝ **10 000 000** ՀՀ դրամ
- ❖ յուրաքանչյուր տուժողի համար՝ **3 300 000** ՀՀ դրամ

### **2. Գույքային վնասների** դեպքում՝

- ❖ մեկ ապահովագրական պատահարի համար՝ **1 800 000** ՀՀ դրամ:

Եթե վնասներ են կրել մեկից ավելի անձինք, և այդ վնասների ընդհանուր գումարը գերազանցում է ԱՊՊԱ պայմանագրով սահմանված ապահովագրական գումարը, ապա տուժողներից յուրաքանչյուրին ապահովագրական հատուցումները վճարվում են նրանց պատճառված անձնական կամ գույքային վնասների չափերին համամասնորեն, սակայն ոչ ավել, քան ապահովագրական գումարի չափը:

## **ԱՊԱՀՈՎԱԳՐԱԿԱՆ ՀԱՏՈՒՑՄԱՆ ՀԱՇՎԱՐԿԻ ՕՐԻՆԱԿՆԵՐ**

### **Օրինակ 1**

Տեղի է ունեցել ավտոմեքայի, որի հետևանքով վնասվել է 3 մեքենա՝ ներառյալ մեղավոր վարորդի մեքենան: Տուժող վարորդների մեքենաներից յուրաքանչյուրի վնասը կազմել է 2 մլն ՀՀ դրամ, այսինքն՝ ընդհանուր վնասը կազմել է 4 մլն ՀՀ դրամ:

### **Հատուցման գումարը կհաշվարկվի հետևյալ կերպ.**

Քանի որ մեկ ավտոմեքայի հետևանքով գույքային վնասների համար ապահովագրական հատուցման առավելագույն գումարը սահմանված է 1.8 մլն ՀՀ դրամ, ապա միայն այդքան գումարի սահմաններում կարող է կատարվել հատուցում:

Քանի որ յուրաքանչյուր մեքենայի վնասը հավասարաչափ է, նշանակում է համամասնությունը 50% է՝ մեկ տուժողի հաշվով, հետևաբար յուրաքանչյուր տուժող վարորդ կստանա 1.8 մլն ՀՀ դրամի հատուցման 50%-ը, այսինքն՝ 900 հազ. ՀՀ դրամ:

## Օրինակ 2

Տեղի է ունեցել ավտովթար, որի հետևանքով հատուցման ենթակա անձնական վնասներ է կրել 3 անձ: Ըստ յուրաքանչյուր տուժողի վնասի մեծությունը կազմել է.

1-ին տուժող՝ 3 300 000 ՀՀ դրամի վնաս

2-րդ տուժող՝ 6 600 000 ՀՀ դրամի վնաս

3-րդ տուժող՝ 3 300 000 ՀՀ դրամի վնաս:

## Հատուցման գումարը կհաշվարկվի հետևյալ կերպ.

Ավտովթարի հետևանքով պատճառված ընդհանուր վնասը կկազմի 13 200 000 ՀՀ դրամ: Քանի որ անձնական վնասների առավելագույն գումարը յուրաքանչյուր պատահարի համար սահմանված է 10 000 000 ՀՀ դրամ, ապա անհրաժեշտ է հաշվարկել այս դեպքում յուրաքանչյուր տուժողին վճարման ենթակա ապահովագրական հատուցման չափը:

Յուրաքանչյուր տուժողի պատճառված վնասի չափի տեսակարար կշիռը վնասի ընդհանուր գումարի մեջ՝

1-ին տուժող – տեսակարար կշիռը 25% է ( $3\,300\,000 / 13\,200\,000 * 100\%$ )

2-րդ տուժող – տեսակարար կշիռը 50% է ( $6\,600\,000 / 13\,200\,000 * 100\%$ )

3-րդ տուժող – տեսակարար կշիռը 25% է ( $3\,300\,000 / 13\,200\,000 * 100\%$ )

Յուրաքանչյուր տուժողին վճարվող ապահովագրական հատուցման չափը կկազմի՝

1-ին տուժող – 2 500 000 ՀՀ դրամ ( $10\,000\,000 * 25\%$ )

2-րդ տուժող – 5 000 000 ՀՀ դրամ ( $10\,000\,000 * 50\%$ )

3-րդ տուժող – 2 500 000 ՀՀ դրամ ( $10\,000\,000 * 25\%$ )

Համաձայն հաշվարկի՝ 2-րդ տուժողին վճարվող ապահովագրական հատուցման գումարը գերազանցում է անձնական վնասների համար յուրաքանչյուր տուժողին հատկացվող ապահովագրական գումարի առավելագույն չափը՝ 3 300 000 ՀՀ դրամը՝ 1 700 000 ՀՀ դրամի չափով: Հետևաբար, 1 700 000 ՀՀ դրամը կհատուցվի 1-ին և 3-րդ տուժող անձանց՝ իրենց ընդհանուր վնասների մեջ յուրաքանչյուրի վնասին համամասնական չափով (1-ին և 3-րդ տուժող անձանց ընդհանուր վնասը 6 600 000 ՀՀ դրամ է, յուրաքանչյուրինը ընդհանուրի մեջ 3 300 000 ՀՀ դրամ կամ 50%): Արդյունքում 1 700 000 ՀՀ դրամը պետք է բաշխվի հավասարաչափ 1-ին և 3-րդ տուժող անձանց միջև, յուրաքանչյուրին՝ 850 000 ՀՀ դրամ ( $1\,700\,000 / 2$ ): Սակայն, քանի որ այս դեպքում 1-ին և 3-րդ տուժող անձանց վճարվող հատուցման չափը կազմում է 3 350 000 ՀՀ դրամ ( $2\,500\,000 + 850\,000$ ) և գերազանցում է անձնական վնասների համար յուրաքանչյուր տուժողին հատկացվող ապահովագրական գումարի առավելագույն չափը՝ 3 300 000 ՀՀ դրամը, 1-ին և 3-րդ տուժող անձանց վճարվող հատուցման չափը կկազմի 3 300 000 ՀՀ դրամ:

Վերջնահաշվում յուրաքանչյուր տուժող կստանա 3 300 000 ՀՀ դրամի հատուցում: